

TEZAUUR LITURGIC
27 NOIEMBRIE

ACATISTUL
SF. MARE
MUCENIC
IACOB
DIN PERSIA



MOSCOVA, 2000

Акафист святому великомученику Иакову Персянину

Кондак 1

Избранный страстотерпче и предивный
угодниче Христов, добропо-бедный
великомучениче Иакове, восхваляем тя,
венчаннаго венцем нетле-ния, ты же ныне
предстоя престолу Вседержителя, моли за град,
обитель и люди, совершающая святую память
твою, в радости зовущия:

Радуйся, Иакове, преславный страстотерпче.

Икос 1

Ангели Божии радуются, приемля в горния
обители души праведных, наипаче же веселятся
веселием, егда во вратех райских сретают души
свя-тых мучеников. Сего ради и мы, в юдоли сей
плачевней, на земли пребы-вающии, в честь
честных подвигов твоих возглашаем сице:

Радуйся, Ангелов веселие.

Радуйся, демонов рыдание.

Радуйся, мучеников радование.

Радуйся, язычников обличение.

Радуйся, Церкви красото.

Радуйся, спасающихся полков ликование.

Радуйся, Иакове, преславный страсотерпче.

Кондак 2

Сила Вышняго вразуми и укрепи тя, славне Иакове, егда зело прещаше ти, царь-мучитель смертию тяжкою и протяженною хотяше тя убить. Ты же сия ни во что вменил еси, словеса безумныя осмеял еси, и отдался еси, яко древо, сечению, посекаяя сим древняго мучителя – диавола, Богу же воспевая песнь немолчно: Аллилуиа.

Икос 2

Имея зловерием помраченныя души, огнепоклонницы Персидстии не восхотеша разумом своим проникнути во Свет Троическаго Божества, но на мучение тя устремишася, да косно и протяженно тя истязуют по глаголу неправеднаго судии. Мы же, сих ради твоих великих страданий, умильно зовем:

Радуйся, древо, принесшее плоды веры.

Радуйся, верою твоею Христа всеискренне возлюбивый.

Радуйся, ласкания и угрозы презревый.

Радуйся, проповедниче всеобщаго воскресения.

Радуйся, наследниче райскаго жилища.

Радуйся, сладкий грозде веры Христовой.

Радуйся, Иакове, преславный страсотерпче.

Кондак 3

Бурею злобы дышущия врази Креста Христова совет беззаконный со-творша, да киими бы лютейшими ранами уязвити тя, Иакове, ты же добле-ственно испил еси чашу мучений, воспевая благодарственныя гимны Спа-сителю Богу: Аллилуиа.

Икос 3

Слышаша мучителие твои словеса, мучениче Иакове, преисполненныя хвалы и любви ко Господу, распыхахуся омраченным сердцем своим на тя. Ты же всеусерднейше помолился о даровании свыше ти помощи тако: «Господи Боже мой, услыши мя раба Твоего, призри с высоты небесныя и даждь ми крепость и силу в час сей». Мы же, прославляя таковую любовь твою ко Господу, тако поем тебе:

Радуйся, мужественно и терпеливо кровь твою пролиавый.

Радуйся, венца нетленнаго наследниче.

Радуйся, яко и нам, певцем твоим, венцы правды ходатайствуеши.

Радуйся, адаманте веры Христовой.

Радуйся, шипок,
облагоухавший Церковь святую.

Радуйся, Иакове, преславный страсотерпче.

Кондак 4

Богомудренно сродников своих послушатель быв добрый, егда сии по-сланием тя увещаваше стояти всеусердно в надежде, вере и любви. Не усумнился еси, ниже убоялся еси, егда тебе первый перст десницы воея врази отсекоша. Но воспел еси гимн первый благодарственный Богу: «Гос-поди Боже, Ты отгоняеши единым перстом Своим бесы, прими, яко ветвь от древа, моя десницы первый перст и милостив ко мне рабу Твоему буди, и возрасти мя, яко лозу плодовиту, в вертограде Твоея славы поющего: Ал-лилуиа».

Икос 4

Мученическому лику сопричтен был еси, Иакове, по совершении стра-дания твоего. Да молитвами твоими сопричтемся и мы к лику святых не-божителей, с любовью ныне воспевающих память твою песньми духовны-ми тако:

Радуйся, быстрее возревновавый о Господе.

Радуйся, воине Христов прекрасный.

Радуйся, и нам во брани с духом лукавым помогай.

Радуйся, святыми мощами твоими нас освящай и сохраняй.

Радуйся, защитниче от бесовских наваждений.
Радуйся, Иакове, преславный страсотерпче.

Кондак 5

Проповедникам Христовой истины поревновал еси, страсотерпче Иа-кове, к Богу паки и невозвратно прибега еси, стрижен был еси, незлобиве, яко овча, но не волну мягкую отдал еси, а персты на отсечение десницы и шуй-цы твоя. В сей страшный час твоих страданий Бога благословил еси, поя: «На десятиструнном псалтири воспеваю Тя, Боже, и благодарение приношу Тебе поя: Аллилуиа».

Икос 5

Светлым лицом, возвышенным умом и радостным сердцем предстоял еси пред неразумными мучителями, Иакове святе. Ты же молитвами свои-ми молися ко Господу, да просветит и нас светом Своея благодати, и избавит от злых и неразумных людей, к тебе прибегающих тако:

Радуйся, скорый целителю болящих, притекающих к тебе.

Радуйся, во страданиях своих седмины жизни твоя скончавый.

Радуйся, и осьмый день жизнь вечную получивый.

Радуйся, на водах покоя почиваяй.
Радуйся, пламенне Христа возлюбивый.
Радуйся, зрелый винограде райского
прозябения.
Радуйся, Иакове, преславный страстотерпче.

Кондак 6

Хотяще всячески сердце твое уловити,
исконный тать душ человече-ских – диавол,
устаи слуг своих паки и паки ища тя уловити и
отвратити, Иакове, от источника света – Христа.
Ты же, Боголюбче, уразумеи сие ловление
коварнаго врага, с Давидом царственным
воспел еси: «О, Бозе, спасение мое, о, Бозе, слава
моя!» За таковое твое исповедание Бога Выш-
няго поем песнь Ангельскую: Аллилуиа.

Икос 6

Новаго тя мученика и страстотерпца
Божия Церковь Христова усердно прославляет,
наипаче же в день святых памяти твоея имея тя
молитвенника пред Богом за люди,
почитающия тя похвалами сими:

Радуйся, звезда, от Персиды возсиявый.
Радуйся, святых обителей и храмов Божиих
украшение.
Радуйся, носящих имя твое святое освящение.

Радуйся, почитающих и украшающих святых
мощи твоя благословение.

Радуйся, и нас даром сим высоким святых
мощей твоих обогативый.

Радуйся, Иакове, преславный страстотерпче.

Кондак 7

Странность непонятная является страдание
твое, мучениче Иакове, неверующим. Глаголют
бо: како возможно человеку презреть богатство,
здравие и честь и шествовать путем Христа
распята? Мы же грешнии ве-мы, колико есть
пресладко Евангелие Христово, ве-мы, яково Бог
уготова Царствие любящим Его. Ве-мы и твою
любовь к нам, Иакове достославне, поющим
Богу: Аллилуиа.

Икос 7

Всесладчайшаго Господа Иисуса сладце
возлюбил еси, Иакове, любви Его последовал еси.
Во страданиях твоих благодарил еси вседушнаго
Бога. Мы же, поучающиеся таковой любви твоей
святых, усердно тебе вопием от земли:

Радуйся, верховному Апостолу в любви и
покаянии поревновавый.

Радуйся, научаяй нас ждати Христова судища
Страшнаго.

Радуйся, друзей льстивых отвративыйся.

Радуйся, яко тобою избавляемся льстивых друзей мудрования.

Радуйся, яко память святая твоя в день образа Знамения Мати Божия – Новгородския.

Радуйся, грозде виноградная, плод духовный обильно принесшая.

Радуйся, Иакове, преславный страсотерпче.

Кондак 8

Вси Ангели Божии возрадовашесе и Господа восхвалиша, даровавшего тебе таковое терпение, Иакове премудре, яко и во страданиях твоих не пре-ставал еси хвалу и благодарение Богу приносить, ибо Бог прославляющих Его прославляет. Таковому Божию милосердию радуешься, победную песнь Богу поем: Аллилуиа.

Икос 8

Суемудренно изрекает неплодящая языческая церковь. Премудренно витийствует Христова Церковь православная в прославлении святых и мученический Христовый полк – от **нихже** днесь святыи Иаков прослав-ляемъ тако:

Радуйся, лозо отребленная мучением.

Радуйся, яко от крове твоя истече вино райскаго аромата.

Радуйся, уста церковных славы.
Радуйся, дивное долготерпение показавый.
Радуйся, непрестанно в страданиях гимны
Богу возсылавый.
Радуйся, Иакове, преславный страсотерпче.

Кондак 9

Спастися душам нашим потщися,
великомучениче преславный Иако-ве.
Воистинну ве мы, яко много может молитва
праведнаго, наипаче же мученика моление, яко
речет Церковь нам. Сего ради тя усердно молим:
охраняй нас предстательством твоим от
душевных и телесных болезней, да во **вся** дни до
кончины живота нашего Богу усердно поем:
Аллилуиа.

Икос 9

Стена любви ко Господу твердая явился еси,
Иакове, и по разрушении храма – тела
твоего, **аще** и пострадал еси ужасне яко человек,
обаче духом ликовал еси во цветнице, Бога
благодаряще, Бога воспевающе – сечен, яко
древо. Таковой красоте твоея души радуяся,
тебе похвальная поем:

Радуйся, и руце и нозе принесший в жертву
Господеви.

Радуйся, преестественными страданиями
вшедший в радость вечную.

Радуйся, лозы Христовой честная розго.

Радуйся, молитвами твоими вводящий нас в
покой вечнаго с Богом пребывания.

Радуйся, страдавый от заутра даже до
девятаго часа.

Радуйся, Иакове, преславный страсотерпче.

Кондак 10

Песнь исходную прими от нас, Иакове,
страдальче премудрый, со-вершающих днесь
память святаго твоего торжества: сердец наших
любо-вию горение, фимиама, свещей и цветов
от земли приношение, паче же Богу поющих
псалом: Аллилуиа.

Икос 10

Светоносным и живительным Троическим
светом за страдания твоя осиянный, Иакове,
мучениче преизрядный, да светиши нам
грешным, во мраце сидящим, светом Христовым
с горних высот небеснаго Царствия, идеже ты
ныне наслаждаешься неизреченных Божиих
красот, да от земли тебе вопием:

Радуйся, мир и благословение нам с небесе
посылающий.

Радуйся, и нас к небеси привлекающий.

Радуйся, яко за вся персты твоя усеченныя Бог
тя маслиной плодови-той показа.

Радуйся, наслаждающийся духом мира,
веселия и любви во Христе.

Радуйся, хладную любовь нашу согревающий.

Радуйся, огнем веры нас воспаляющий.

Радуйся, Иакове, преславный страсотерпче.

Кондак 11

«Страданием смертнаго тела моего совлекаюся
ветхаго, тлеющаго во мне, человека. Смертию
же моею облакаюся в безсмертия ризу. Сего
ради, мучителие, что стоите? Исторгайте
персты, руке и нозе мои, – творите се-чение
древа! Аз бо иду ко Христу моему, Царю и Богу,
да во Царствии Его безконечном с ликом горних
умов воспою: Аллилуиа».

Икос 11

Пение Святей Троице воспел еси, Иакове,
принося благодарение за вся, яже дарова ти
Господь: дар покаяния, терпение, любовь и
надежду. За та-ковое твое признание воли
небесней прими и от нас, малых и грешных по
Бозе собратии твоей во Христе, припевы сия:

Радуйся, вся земная оставивый, да Христа
приобрящещи.

Радуйся, в час страданий твоих Христу Богу горевый, аки свеща.

Радуйся, стебель страдальчества и плод благодатный.

Радуйся, яко персты своя усеченныя в жертву Богу принесл еси.

Радуйся, доброе семя Христово, в Персиде посеянное, прозябшее же во Вселенстей Церкви.

Радуйся, Иакове, преславный страсотерпче.

Кондак 12

Благодатных даров небесных ниспосли нам от святых мощей твоих, достославне великомучениче Иакове. Приими наше сие песнопение в честь и память страданий твоих приносимое. Да молитвами твоими оградиши нас от враг видимых и невидимых. Да тихое и безмолвное житие совершивше, внидем в чертоги небесныя славы, Богу поюще во веки веков: Ал-лилуиа.

Икос 12

Поюще страдальческую твою кончину, воспеваем Господа Бога Христа, дивнаго во святых Своих, прославляем святыя страдания твоя, Иакове – лозо добродетельная вертограда Христова, и приносим ти малую молитву сию:

Радуйся, вшедший в вечную Божию радость.

Радуйся, торжествующим нам святую память твою помогаяй.

Радуйся, сохраняющий нас от бед и напастей.

Радуйся, тайный наш посетителю.

Радуйся, яко в святей малей части мощей твоих благодатных духом пребываеши с нами.

Радуйся, наша небесная радость.

Радуйся, Иакове, преславный страсотерпче.

Кондак 13

О, предивный и многострадальный великомучениче Иакове, сеченный, яко древо! Приими от нас сие малое молитвенное песнопение, тебе приносимое в день святых памяти твоея. Избавляй нас молитвами твоими от всякаго зла, да благодарно Богу поем: Аллилуиа.

(Сей кондак читается трижды; посем икос 1 и кондак 1.)

МОЛИТВА

О, святой славный и добропобедный великий мучениче Христов Иа-кове, предстоя ныне по святей мученической кончине твоей престолу Гос-пода славы и наслаждаяся неизреченной красоты небеснаго чертога Бо-жия, не забуди и нас тамо в богоприятных молитвах твоих, zde на земли мо-лящихся тебе. Моли благость Божию,

еже ущедрити храм сей (или обитель сию), град и всю страну нашу православную; исходатайствуй у престола Господа Вседержителя паче же всего душам нашим спасение. Да тако святыми молитвами твоими спасение улучим, и сподобимся причастницами быти небесных селений, купнаго с тобою пребывания, прославляя Божественное имя Отца, Единороднаго Его Сына и Утешителя Святаго Духа, во веки веков. Аминь.

